

Marc. 16.
16. eundem Dominum, dicentem: *Qui non crediderit, condemnabitur*: quia sicut eos renasci per ministerium baptizantium, ita etiam credere per corda & ora confitentium, confitemur. Audeant ergo dicere, quod a justo DEO innocens condemnabitur, si nullo vinculo peccati originalis innectitur.

Si sermo iste prolixus est & onerosus occupationibus tuis, da veniam: quia, ut hæc ad te scriberem, & occupatus literis tuis, indicibus erga nos benevolentia tua, tecum ista colloquerer, etiam ego vim feci interrumpendis occupationibus meis. Si qua illos alia excogitare adversus fidem Catholicam scieritis, & quaecunque adversus eos, ne Dominici gregis infirma devastent, vos quoque fidei & planè pastoralis dilectione differitis, nota facite nobis. Hæreticorum quippe inquietudine, ut Scripturas vigilantius perscrutemur, unde, ne ovili Christi noceant, eis possit occurri, tanquam de somno ignavia nostra excitatur industria. Ita per multiplicem gratiam Salvatoris, etiam quod inimicus in perniciem machinatur, DEUS convertit in adiutorium: quoniam *diligentibus Deum omnia cooperantur in bonum*. Semper in DEO vivas memor nostri, frater charissime.

Ad Rom. 8.
28.

EPIST. CVI.

Augustinus & Alipius Bonifacio, sive, ut alii codices habebant, & ex Aug. *lib. de bono perseverantia c. 21.* colligere est, *Paulino, Nolano*, laudans librum adversus Pelagianos ab eo conscriptum, & plenius eum instituens adversus eam hæresim.

V. Posid.
in Ind.

*Domino beatissimo & in Christi visceribus germanitus amplectendo, plus, quam dici potest, desiderabili fratri & coepiscopo, *Paulino, Alipius, Augustinus.*

**Al Bonifacio,*

477.

TAndem aliquando providit DEUS nobis literarum fidelissimum perlatores, omnium nostrum meritò charissimum fratrem, Januarium, per quem etiam si non scriberemus, omnia, quæ circa nos sunt, possit Sinceritas tua, tanquam per viventem atque intelligentem epistolam, noscere. Pelagium, quem credimus, ut ab illo distingueretur, qui Pelagius Tarenti dicitur, Britonem fuisse cognominatum, quod ut servum DEI dilexeris, novimus: nunc autem quemadmodum diligas, ignoramus. Nam & nos non solum dileximus, verum etiam diligimus eum. Sed aliter nunc diligimus, aliter aliquando dileximus. Tunc enim, quia nobis rectæ fidei videbatur; nunc autem, ut ab iis, quæ inimica & adversa gratiæ DEI sentire dicitur, illius misericordiâ liberetur. Nam
cum